

永州府志

土地 270.113
136 }
部 = 1



同治丁卯仲秋重校

永州府志

本署藏板

永州府志跋

永爲楚南一大都會山川形勝土俗民風茲誌備矣顧前郡守之經營纂脩之筆削時賢之參互考訂斟酌盡善號爲完書而歷久罕有識者且任其顛倒錯亂幾於不可句讀則亦當事者之責也桂學吏湘南凡五更閨丙寅夏履本任始入郡境凡山川形勝土俗民風昔所聞者今躬逮焉時以弗得當負委任是虞既視事求府志則所司無存書會早久屢禱無雨思所以迓神庥而甦民困者適零陵德衡齋明府以新裝是志見貽亟檢閱得宋至和間太守柳拱辰禱雨零陵王祠一事求王之爲神則今

勅封普應昭惠威烈忠靖英濟仁澤王俗稱爲唐公者於是齋沐會禱越十日雨降雖於農田僅微潤而幸得志書資考鏡事有端緒矣攷志經始於道光乙酉至戊子書成中更呂麗堂隆

永州府志

跋

一

介庵翟靜軒李海颿四太守秉筆者則會稽宗滌樓觀察觀察從宦零陵年且久尋主講濂溪學具淵源筆謝枝葉又濡染於次山柳州浮溪諸寓賢之流風餘韻同時如劉筠莊學博

方璠

何子貞太史

紹基

楊紫珊上舍

李鸞

諸先生又能擴所聞見互

相證明折衷至當故其爲圖經一爲志九爲表二爲傳四爲略二都爲十八卷蒐訪賅博斷制謹嚴蔚然成巨觀焉惜數十年來雜以軍事致少問津者而無知之人又臆爲剽補殊爲全書類今年夏屬道州何子栗茂才紹穎借舊本爲校讐稍稍復初觀會以赴省試未竟事杜公暇重校又得若干處立更之昔所病者十去八九爰裝訂成帙以存掌故而闡徽猷抑更有進者戊子至今四十年中更江華趙金壠一案及髮逆十餘年兵燹當時邦人士忠義奮發出而敵所愾立勲揚名以及婦人女子守身完節者固宜別白補入以爲志乘光而豐歉災祥之宜紀

守令丞掾各官職名之宜書與夫歷科徵召選舉蔭襲各事宜
均應續入各表志以傳信惟茲事體大非一手一足之烈所能
爲邦人中賢且仁者實多有能起而分斯任者乎則今日是書
之重裝早爲他日新志之嚆矢矣時同治六年歲次丁卯八月
下浣輝發廷桂跋

永州府志序

郡國地志始於漢備於隨而永州之專志見於載籍者則惟唐韋刺史宙一書宙以荆概無傳焉自唐至於宋記載無常名至明成化間姚氏昺所撰始曰永州府志明時凡再修書皆失傳故家舊族遭變後無藏舊本者

國朝康熙中復再修之規模畧完而收軼微亡譌舛不免閱百二十年迄荆守錫遐齋始爲草創以用浮費匱中輟又十餘年舊版滋敝郡人士憂文獻荒隆請之權守呂麗堂定議復修延山長宗攻恥主編纂未幾麗堂去隆介庵至籌費艱窘又將輟矣攻恥毅然謝館穀願任其力屬介庵任刊刻資爲鑒於荆之中輟也稿脫卽付刻甫及三之一而攻恥入都介庵又去翟靜軒繼之亦爲佐濟其用歷三任而至於宗傳宗傳在京師聞攻恥言此書未成比抵永攻恥亦還館知刻費不足亟爲申諭於

永州府志

卷首

序

六百一十一

眾眾皆慨然費稍稍集兩年中撙節度計以其半採山川搜金石與刻志之未成者十卷而半葺濂溪書院齋舍齋舍成而志亦成介庵初以是書出一人手筆爲未安仍命之曰志稿意待來者之復定也及宗傳來審其體例皆源本昔賢史志按其敘述之辭亦具有古文義法惟列傳閒有沿舊志餘習官名姓氏率從簡省者宗傳已爲之參酌其字句至傳中凡引儒先多字而不名與史例不合然方志視正史較殊存之以示重道尊賢之意於義亦通故不改也若夫星土之差忒昔所襲者今正之輿圖之要害昔所昧者今著之山川之脈絡昔所離者今貫之食貨之纖璣昔所忽者今覈之風俗之正變昔所畧者今詳之人物之品類昔所混者今晰之以及藝文著錄事紀編年古蹟金石之分代攷證皆舊所未有所因舊者特學校秩祀二志職官選舉二表而已其閒刊正增補者亦十之四三統計全書幾

二百萬言竭其心思耳目之力以爲之自來著書之孤且勤無
愈於此卽大醇不能無小疵覽者亦將有以諒之矣至其愛古
而不私徵今而不濫則眾所共見而共信矣宗傳不敢掠剽事
之美亦不容辭終事之責書成而名未定其何以垂信來許備
徵

皇輿于是斷然去其稱稿之文焉郡人士有起而匡其誤補其
遺者願與討論而潤色之俾是書益進於醇不更善乎幸毋爲
成書匿過也爰紀其作志之實以爲序道光八年十二月朔日
桐城李宗傳海帆序

永州府志稿序

從來修官書難於著私集私集各成一家言秩然自有其倫脊官書則撰不一手文不一心一書之中矛盾林起往往不免知言者所譏馬班范沈以後惟涑水紫陽與華亭之明史稿皆以一手總其成故其書完密純粹表表天壤然則雖官書亦不當眾譏明矣當康熙間華亭獨被明史之命聘鄞人萬季野專治其事季野史學闕博舉金匱舊典草野稗乘無不旁搜廣稽而折衷一是然其成也季野不居其名華亭亦不敢擅其功書已進呈尙題曰稿示未定也迨後乾隆初桐城再修實未更易一字但加論贊而書遂定若夫志書之在郡邑猶之史也古今所傳方州記錄不過數十家而近代志書愈多其傳益寡蓋古者皆一作者任之今則視爲官書例當集羣力薈羣言而後作卽有明史體具史才者大都束縛於時俗不能自主且亦料其

永州府志

卷首

隆序

一

六百二十二

書不足以行遠垂久因陋就簡無甚愛重是猶郵亭廨舍咄嗟營構呼市人以爲工折弱木以爲材黏墻箔門遇風而頽無或乎著述家之賤其傭而卑其所作也道光乙酉余奉特簡來守永州秋初抵郡熟知志乘廢缺已久前權守呂君麗堂方有修志之舉與同城節鎮鮑公蘭舟交勉余以成事是余責也曷敢不任苦乏經費余亟與八州邑諸賢長分俸資纂修館餐旣而勸八州邑士民蠲助由鑒前轍東安及倚郭以外罕有應者纂修宗君攻恥竭晝夜心目手口之力五閱月書成過半其體謹嚴其義博大而十八卷脈絡貫串條理始終一空向來秉筆之習宗君之爲此志固不在脯脩見刊刻無資堅辭聘書所載潤筆六百元而屬余急籌付剗鮑公念此舉甚切復相從與余各厚捐俸金令東安及倚郭之所助刻費稍集計日可以召工鐫版矣宗君顧謂余曰一人成書而擅厚幣專利

固不可一人成書而擅盛譽專名尤不可幸勿以此書爲定本
可乎余不禁慨然曰有是哉子爲季野吾爲華亭昔人之用心
予今可法矣爰復告之麗堂蘭舟二君議以其書爲永州府志
稿皆以爲當存此書以繼前此之荒隆待來者之訂刪知者諒
其苦衷不知者無所詬病卽此時郡人士有欲更爲鉅製者余
不之阻也兩善則有唐書新舊之例在獨勝則有淮西韓段之
義存官書豈有定哉道光五年十有二月長白隆慶序

永州府志重修姓氏

定議開纂

署 永州府知府候補知府 呂恩湛
創率開雕

永州府知府候補六部員外郎 隆慶
接任監修

署 永州府知府陞任辰永沅靖兵備道 翟聲煥
綜成裁定

永州府知府 前浙江督糧道 李宗傳
纂修

候選內閣中書 宗績辰
參閱採訪

署 零陵縣知縣調任瀏陽縣知縣 趙瑜

永州府志

卷首

重修姓氏

二百七十二

署 零陵縣知縣現任清泉縣知縣 蕭昇

零陵縣知縣 王景章

祁陽縣知縣 崔德

東安縣知縣候補知府 托渾布

署 東安縣知縣 胡三多

署 道州知州湘鄉縣縣丞 馮宗煒

道州知州 張元惠

同知銜署道州知州 劉啟元

署 寧遠縣知縣候補通判 李鏞

寧遠縣知縣前翰林院庶吉士 葉桂

署 永明縣知縣 劉國彬

代理江華縣事現署永順知縣府經歷 王璋

江華縣知縣 姚熊飛

新 田 縣 知 縣 杜金鑑

署 新 田 縣 知 縣 盧始安

總理志局兼分訂

府 學 教 授 歐陽光

寄 陵 縣 學 訓 導 蕭明善

正定星野

府 學 訓 導 唐芳樹

首請重編

零 陵 縣 歲 貢 生 葉向時

零 陵 縣 學 生 員 趙承泰

零 陵 縣 學 廩 生 員 步承恩

零 陵 縣 職 員 賀堯德

徵訪風俗

永州府志 卷首 重修姓氏 二 二百四十一

零 陵 縣 舉 人 候 選 教 諭 張光輔

零 陵 縣 副 貢 候 選 教 諭 王金貢

零 陵 縣 學 生 員 蔣芝田

零 陵 縣 監 生 屈建麟

府 學 增 生 羅楚賢

祁 陽 縣 學 廩 生 趙瑞琥

祁 陽 縣 學 生 員 李建寅

祁 陽 縣 學 生 員 蔣龍光

祁 陽 縣 學 廩 生 任程九

東 安 縣 舉 人 唐知銑

東 安 縣 拔 貢 候 選 教 諭 羅正六

東 安 縣 學 生 員 謝鍾山

東 安 縣 學 生 蔣元甲

道州拔貢候選教諭周誥

道州學廩生黃祚衍

道州學廩生周迴哲

道州學廩生何紹基

寧遠縣舉人大挑知縣歐繼韓

寧遠縣歲貢生王建中

寧遠縣優貢生李家傳

寧遠縣增貢生李家麟

永明縣歲貢生蒲學仁

永明縣拔貢候選教諭蔣啟鐸

永明縣學增生周光恒

永明縣學增生唐志瀟

江華縣拔貢候選教諭何景棟

永州府志 卷首 重修姓氏 三

江華縣拔貢候選教諭楊樸

江華縣歲貢生蔣存仁

江華縣學生楊尙志

新田縣拔貢候選教諭樂致治

新田縣廩生胡世球

校對

浙江會稽縣儒童宗兆椿

繪圖

零陵縣耆職王日照

永州鎮書吏王恒岱

繕寫

永州鎮書吏艾承先

彭天貴

永州府志目錄

卷首

序

荆稿隆序

重修姓氏

目錄

凡例

舊序

卷一 分上中下

星野圖經 上卷

輿地圖經

亭永新四境長圖 零祁東道四境長圖 卷中

下卷

卷二 分上中下

永州府志

卷首

目錄

一
二百五十五

名勝志

山川題詠附注 〇零祁東三屬 卷上 道寧永江新五屬 卷下

卷三 分上中下

建置志

城池廨舍 卷上 宮室 坊表郵驛津梁 卷下

卷四 分上中下

學校 府學 卷上 入屬 卷下

卷五

風俗志

古俗氣候農田水利農事生計士習鄉三禮 歲時雜記 儆俗

卷六

秩祀志

外志 附

卷七

分上中下

食貨志

物產斤口 卷上 田賦雜 卷中 領捐款日鹽法積貯 卷下

卷八

武備志

武職 表附

卷九 分上

藝文志 經類卷上 子史集三類卷下

卷十

古蹟志

卷十一 分上

職官年表 府表卷上 零祁東卷中 道寧永江新卷下

卷十二 分上

選舉年表 薦辟進士舉人武科武勲卷上 貢生例貢封廕卷下

卷十三

良吏傳

卷十四

寓賢傳

卷十五 分上

永州府志

卷首

目錄

二

先正傳 理學忠節行義事功卷上 才望經術文藻高隱耆碩卷下

卷十六

列女傳

卷十七

事紀畧

卷十八 分上

金石畧 漢唐卷上 宋卷中 元明卷下

版頁目

永州府志凡例十二則

一因舊從長舊志經錢邦芑常在兩手相繼而成如斥注祀論守禦書賦歛皆見直筆有義法今皆因之縣志則惟永明江華未經修削者其紀載兵變極詳卓然不以粉飾爲事且其所記本無干冒忌諱舊志一切略去大事何徵自有不能盡因者若建置秩祀學校等門初擬貫■各爲一編恐掩冒目故但加損益仍依舊體分行布列其中樂器儀注舞佾之類雖天下常制念邊隅典籍不備賴此書資考訂甯瑄毋輒不敢矯爲異不敢苟爲簡也

一據古求信曾鉅寧遠新志瀟水考一以水經注爲的確然有條埋今編探郡境水道以水經注證之所至多脗合處足補舊志所不及卽如黃溪以上之陽明山古籍無考按之實當時潭山他如湘口之燕室邱龍泉寧遠之深水尤諸書所

永州府志

卷首

凡例

五百五十五

久佚者新省志多引水經注不加斷按固闕疑之今

異名並載訖無定據勢將疑益傳疑踵襲滋謬今特爲循脈絡參之圖經苦思力索以求其合必不能合而後置之非敢■臆武斷也

一確探地形舊志郡總圖及州縣圖山水所在往往易置方嚮獨致詳於俗傳之八景可謂棄本而重末矣今專遣畫者周歷境內導山溯川探索源委邊陲險要瞭如指掌經半年之久而圖始成全境圖幅過多不能全刻且迫於時日窘於經費瑤地深峻之處尙不能纖悉皆到未爲完密無憾但視昔稍爲詳確而已

一釐正典禮各州縣名宦祠神牌所祀前代本朝名宦通祀者多參差專祀者多漏佚而零陵鄉賢祠以華譚臧榮緒鄧燦爲邑人而祀之尤誤之甚者今皆一一釐正行文州縣

照志更定至節孝祠或建或否惟寧遠經汪輝祖釐定有章最可師法然奉文入祠姓名州縣志率不專載今猶闕以待補亟望司牧之良舉此缺典也

一聯絡山川方志俗例多以山水分條列載方嚮遠近各不相顧複沓歧錯自所不免今因其方嚮隨其遠近而條貫之苦多隔閡勤諮數訪猶不能盡又未能懸待歲月致稽全局乃設爲畱空待補之法便於增入其間或有沿本志之誤不當聯而聯者願與老成遺獻同是正之若題詠詩文用范石湖康對山之例附於山水之下選一遺萬不遑郵焉

一綜覈食貨一草一木民生賴之故物產爲田賦先郡屬賦役全書久不修改州縣志多以此類爲贅文付鈔胥拉雜鈔錄柄鑿齟齬不一而足領款捐款全書所無更無載者嘗覽湖南諸方志靖州志食貨最精次則湘潭今師其意而各爲

永州府志

卷首

凡例

二

五百八十四

條貫以敘之其數之不齊察郡縣檔冊文卷一一必求符合誠以民力所繫不敢不慎也

一采問風俗舊志及州縣志志風俗大都抄襲歲時記並不據事直書今以鄉三禮爲宗又有采其土諺山謠俗書巷述將以陶化朴僊使知禮樂也府中近爲條告首以正風俗爲先務郡邑人士不乏有心世教者範俗以禮自此始矣

一官表訂譌舊志所最疎者惟職官表時代久遠紀載殘缺欲按格計年勢本不能特年號先後官職姓名苟有可徵不容任誤乃若以梁張紹爲唐張紹梁以宋李昉爲唐末人以吳徐陵爲晉時守以永州刺史韓擒爲卽此永州略舉數端已見其概甚者誤讀碑版顛倒名氏當日譌者想不深察也今表於開局先成付刻太早三年以來屢訂屢改考核久而舛謬日出且亦有累於他書有歧誤不能臆定之處况如諸

葛詮司空荷柳八大使孫吏部者或莫考其代或莫舉其名
咫聞渺見何可以五十步笑百步更望後之博物君子匡正
其所未逮焉

一人物分類舊志人物甚少分地著傳倣零陵先賢之舊稱
米爲不可乃又自異其例別爲周子世家及忠節孝友等傳
於先賢之前一似先賢不足以括之者今志稿本嘉慶間所
草創其書動筆處殊少而收傳獨寬驟加繩削不校于人情
然品詣不分大德反隱故別先正爲九門以理學忠節行義
事功爲始仍冠世家於理學之先斟酌古今庶得各從其類
至耆民逸老被

國家引年之典生存者亦爲附載姓名用志人瑞其列女傳節
孝五十以上例得請 旌省志皆許立傳今並從之

一力徵遺文郡中前代良吏寓賢及鄉先正所譔著與近今

永州府志

卷首

凡例

三

五百五十九

吏士之作皆倣史例具錄其目其舊藝文志中詩文有類可
歸者悉已別錄惜此編略備書目而未得搜集其原書不能
於各目下盡列序文尤可憾者易三接忠鬼錄等書懸金購
之終不可得力徵而竟不足徵不能無責於前此任載筆之
責者也郡中金石略自零陵補志始專輯爲一類新省志多
采之今又旁摭徧拓集州邑巖藪之奇拾殘補闕審辨不遺
餘力較省志加詳焉然剝蝕淹沒古有今無十百于此豈足
以饜徵文之志哉

一專書實事方志本佐史之書自詳景物而略治亂者輩出
而方志亡當省志未修之初湖南惟江恂江昱所譔清泉志
有編年事紀繼此則許紹宗鄧顯鶴之修武岡志全倣史體
其紀兵事則用五季十六國之例稱載記皆備書一方治亂
之迹能詳人所未詳及省志出兵事更有專類今若僅以載

記書兵事則此外亦須別爲古今政紀而後可轉覺緒繁無
統因參用其法而例則一從清泉提綱附目一郡二千年事
胥在其中列末卷者志中眾類咸備以此總其成也
一慎收新傳纂輯之始凡行義貞節可採者卽定爲由縣加
結詳報事實未合駁問覆察覈定可入然後送館爲之附傳
三年中未有私授受者昔年零陵縣志登生存守節姑婦書
成十年而其婦垂老改節今因士紳公論而削之惟願今有
司之所舉他日皆無遺議則幸甚